




ル 5
3667
7





門 5
號 3667
卷 7



西陲竹枝詞序

程振甲撰

玉門以西秋氣盈抱商聲滿耳天似穹廬聞勦勒之歌地當歐脫按鮮卑之語在昔黃虜行酒之什赤驥呈材之辭騷客善懷懷何能已則有神君鶴臯者以石渠著作之彥適輪臺廣莫之鄉耳目所治發爲文章典冊所遺值于俄頃疇昔寤言虛傳泐澤之水今也出遊屢遠昆侖之墟此西陲竹枝之作所由來也夫其大去鄉國遠適異徼依倚宛馬追隨皂鵬經闢展之穴則天風落衣過祁連之山則古雪照面新蟾耿于朔牖列象燦乎宵明引領南望蔽于瓜沙窮日西逐亘以蔥嶺於是導言泉之富振意葢之

西陲竹枝詞

序

一

繁紀其疆索首十又六城條諸沿革歷五十餘國與夫境
俗之優薄產載之區品川塞之基源氣節之通隔莫不宛
轉附物怗悵切情嗚呼祁君之詩可以觀矣且士大夫局
于跬步侈言臥游目未覩冰谷火井之奇手未披樹槐刻
箭之奧是以話金河之重源則駭聞列星攷窮石之餘波
則誤指半月其他屬國所隸都護所屯安能證其繇禡增
成故實哉亦有握尺一之符統萬衆之師勞心于屯田詰
戎息意于模山範水則亦未遑奮清鏘之管爲混沌書眉
搜宛委之編爲鑿空補注彼神怡而務閑慮周而藻密者
我儀其人蓋祁君也至于

皇威之普土宇之恢誦此詩者北戍之北共戴撐犁之高
西瀛以西羣占干呂之氣將見價重黃龍戶藏白璧矣飛
行有日跂予望之

西陲竹枝詞小引

歌咏之作曰情曰景西陲遠在塞外果有何景可摹何情可寄然而天地之大萬物之變書冊所載猶欲哀集叅稽以廣異聞若既有所見而顧無一言以紀之可乎况龍沙萬里久入版圖遊斯土者見夫城郭人民之富庶則思德化覃敷怙冒罔極見夫陵谷蘖澤之廣大則思山經水注掛漏殊多見夫物產品彙之繁滋則思雪海崑墟瑰奇不少每有所觸情至而景卽在是豈必模山範水始足言景弄月吟風始足言情哉塞廬讀書之暇涉筆爲韻語得一百首聊自附於巴渝之歌首列十六城次鳥獸蟲魚次草木

果蔬次服食器用而終之以邊防夷落以誌西陲風土之大畧詞之工拙有所不計惟紀實云歲在戊辰如月前史官壽陽祁韻士鶴臯甫謹題

西陲竹枝詞 一百首

西陲竹枝詞 一百首

宮保將軍松湘浦先生鑒定 前史官祁韻士鶴臯藁

哈密

玉門積遠度伊州唐伊州地無數瓜哇望裏收天作雪山隔南

北天山俗呼雪山新疆南西陲鎖鑰鎮咽喉

土魯番

黑風川盡柳中過所屬闕展為漢柳中酷熱如燒喚奈何其地極熱獨喜

人稱安樂國土魯番為安樂城此間物產本來多

喀喇沙爾

行國王庭繞幕瓊乾隆辛卯土爾扈特全部歸順開都河

西陲竹枝詞

畔慣游畋可汗却恨歸降晚日月恬熙四十年

庫車

古堞猶傳定遠遺

相傳城為班定遠故址

安西四鎮首龜茲

唐滅龜茲置安

西都護于此為四鎮之首輪迴經寫唐人筆佛洞穹窿石壁奇

阿克蘇

邊城歲歲樂豐年秋日黃雲被野田

各城回民皆習樹藝之事土著頭

人衣帽整紫駟腰跨鹿皮韉

烏什

閭闔風宣萬里疆專城撫馭鎮天方藩王入侍長安邸

乾隆乙亥回目霍集斯投誠封王爵畱居京師禾黍曾無故國傷

葉爾羌

昔年西海戮鯨鯢

乾隆己卯平定回部

自奉車書靜鼓鼙都會爭趨

葱嶺畔

葱嶺在葉爾羌境內

遠方珍異集雕題

和闐

黑探仍是漢于闐

同人稱漢人為黑探即和闐之訛

靈秀山川得地偏河

水濫觴經過處天生美玉勝藍田

和闐水中產玉子即古撈玉河也

英吉沙爾

重重遠戍見煙霏雪霽春融百草肥大食遺民歌鼓腹瓜

囊雜飽倚斜暉

各城並產甜瓜同人呼麪餅為囊二物每相和食之

喀什噶爾

雲開秦海望西池城保遙連接塞陲莫數漢家三十六懷
柔早已極條支此地為南路極邊接布魯特及安集延巴達克山諸部落

巴里坤

西北由來古戰場卽今式廓靖巖疆陰山刺有穹碑在松樹
塘達巴罕有唐貞觀十四年討高昌碑 猶帶松風卧夕陽

古城

但知直北接金山北界科布多城與阿爾台山相近漢址唐基合就刪城
何代所遺 殘雪幾峯吹不落迎風飛上白雲間

烏魯木齊

瑩沙嶺北問王庭漢車師後王庭地絕巘排空擁翠屏博達克山在城東南

三峯插天 郡縣久經成腹裏輪臺舊蹟草青青

庫爾喀喇烏蘇

東南牖戶啟穹廬向日回思叩角初土爾扈特王在此游牧 牝馬名

王依黑水牛羊徧野樂安居

塔爾巴哈台

戎索烏孫盡故墟附近伊犁一帶拓將土宇到康居
薩克部落皆漢烏孫故地 案角還歸隴種西北接哈
餘 卽漢康居北方漫說無雷國哈薩克北界俄羅斯國

伊犁

伊麗會聞屬定方漾池碎葉路茫茫投鞭直斷西流水伊犁
西陲竹枝詞

河水西流卽唐伊麗水永始信當年我武揚乾隆乙亥平

陽關

千古傷心送客亭今來驛路不曾經沙州東望陽關道玉門
關及陽關皆在今敦煌縣自有春風塞草青

戈壁

目斷龍堆寸草枯尋常鴉鵲鳥還無橫空隔絕幾千里西安
州至哈密密至土魯番不信迤西有奧區

天山

三箭爭傳大將勳祁連耳食說紛紛祁連山卽天山自張掖以西際于葱嶺綿
巨數千里橫跨南北兩路漢書所謂中原多少青山脉鼻

祖還看就此分

黑水

莫作雞山故蹟求大通支派在瓜州黑水出哈密境東南
今瓜州大通河舊誰言積石能飛越暗渡黃河向海流此
謂出甘州非是貢雍州黑水與入南海之黑水非出一地

河源

張騫昔祇到烏孫都實重來認火敦星宿海在青海境內未識蒲昌
猶赴壑那知地脉起崑崙漢書言河有重源一出葱嶺一出于闐其說最古

蒲昌海

滔滔滙合水西來鹽澤亭居暗溯洄蒲昌一名鹽澤今名羅卜諾爾在土魯番

西陲竹枝詞

九曲崑墟何處是莫將星宿漫相猜有謂星宿海即羅卜諾爾者不知兩路相

冰嶺

巨嶺摩天盡是冰蒙古語呼為穆蘇爾達巴罕在伊犁阿克蘇之間日光山色映

葦橋

葦葦叢生野水邊土橋古徑尚依然葦橋見漢書在今喀喇沙爾雁羣急自蘆中起西向飛飛入遠天

火山

冰山雪海界將交赤地洪鑪鼓異飈土魯番東有呼為火燄山者即明火州之

地難執陰陽殊氣解熱來無晝亦無宵

苦水

渴際誰甘飲盜泉生憎滴水苦茶煎葫蘆車上朝朝掛戈乏水有亦極苦行人每貯水葫蘆中掛于車上渴則飲之昏暮求人便值錢

鹽澤

廣斥何須問海濱不毛土半白如銀烏魯木齊之南鹽池凡二他城亦多有之鹹鹺自足供民用關塞稀聞淡食人

雪水

良田十斛祝豐饒天賜三冬雪水澆塞外雨少雪大每至盛夏雪化為水田中資其灌溉資其灌溉麤作溝塍誰盡力功成事半樂逍遙

西陲竹枝詞

柴墩

墩柵層堆老樹柴壁間熊虎雜弓靴平安烽火今無用相傳
為岳將軍野戍猶看歷歷排

風穴

履穴方知猛則苛土魯番之東三間房至十三間房有到怪風難行明史稱為黑風川者是
來人有戒心過封姨不是無情侶誰遣妖氛作路魔

柳樹泉

皮存僅剩劫餘灰噴玉跳珠混混來歲歉歲豐皆可卜天
然一孔好傳杯泉有二一在陽薩爾軍台一在烏什城南同人皆呼為哈喇察奇言靈泉也水多歲歉云

風戈壁

漫空雪陣欲埋人不死蚩尤作轉輪蝟縮魂消舒爾漢風雪
謂之花牛犢子漫言神或言舒爾漢起必有小花牛見其說詢之無據

賽里木海子

澄波不解產魚鰕飲馬何曾問水涯塞外海子不一此則在伊犁三台者尤清
泓可愛但水鹹不堪飲馬耳碧草青松看倒影蔚藍天遠有人家

果子溝

陰濃萬樹欲參天伊犁塔爾奇山疊嶂層峯起馬前買夏
論園何足道谷量百果露初鮮

圍場

西陲竹枝詞

肄武疆場重合圍將軍每秋例得演圍於哈什山中角弓風勁令旗揮三
千組練如雲錦遠向狼山射獵歸

水田

灌溉新開鄭白渠伊犁舊無旗屯嘉慶甲子松湘浦先生創為疏墾歲收稻麥甚多沃雲
萬頃望中舒便宜誰上安邊策充國屯田十二疏

霧淞

豈是梅花開滿樹俗呼樹掛居然柳絮欲漫天多情慣解迎人
去不在衣邊在帽邊

鄂博

告虔祝庇雪和風壘石施金廟祀同過者必祭或挿箭塞或擲財物而去

遠天空望不極行人膜拜過殘檠

雁

嘹唳聲從海上還高秋夜月度蕭關相呼南返江干去不
戀清涼雪外山

雉

草淺風嘶雪霰飛離披五色雉初肥伊犁冬雉多脂若牛肉之肥厚火鎗
舉處紛紛落且趁平明獵一圍

孔雀

圓眼金翎映日高屏開璀璨翠舒毫雉者生三年翎始齊其開屏極可玩吉
光片彩因人顯聲價當時重異遭

鴛鴦

翩翩新浴翼何鮮列隊參差向海堧鷗父底須作解事無
端驚起作踟躕

雪鷄

啄雪鷄肥肉可烹劇憐雙肋擅冰清聞見錄言之惜余未見西方佛

地多靈物憫彼蠢愚好殺生

壓油鳥

非關覓食往來頻體累多脂解向人大如雞色黑肥則向人哀鳴為壓取其油
輒復却憶侏儒飽欲死蘭膏徒自速焚身

黑雀

蝻蝗害稼捕良難有鳥羣飛競啄殘雀如燕而大色黑有斑點啄蝗立斃然不食也土人目為神雀斑點赤睛鴛鴦爾此雀疑即鴛鴦爾阿文成公鎮伊犁時所獻者橫空
來去倏無端

鴟

聒耳慈禽孰與噀伊江樹色接城闈春來秋去期無爽伊多鴟黑灰二種黑者驚蟄至霜降去灰者反是若換斑然又有冬鴟作替身

鵬

朔飈陡轉白雲端一鵬盤空振遠翰爭說遺翎八九尺大翎有長八尺者垂天翼若大鵬搏

鹿

性秉純陽却也癡卧從鹿鹿採靈芝仙膠益氣爲人餌鹿角熬膠可醫氣虛之症角解空山在夏時

馬

渥洼異種漫相推宛馬何須獨擅才今安集延爲漢大宛西域皆產良馬不必專屬一顧空羣逢伯樂莫將汗血認龍媒土魯番一帶夏日蚊蠓吮馬輒見血意汗血之說因此傳訛非真有汗血馬也

虎

壯士鷹揚氣若虹殷殷虎嘯碧山空三軍祇聽將軍令除害功歸片刻中

白駝

碧眼人騎白橐駝川原平曠往來多單峯一日行千里古蒙馳驛用駝白者足健行戈壁中馬不及駝快馬應輸轉瞬過

黃羊

獵較邱陵笑觸羝天高漠遠草萋萋歸鞍拉雜馱將去肥

野豕

野畜爭看羸與牛野豕之外又有野羸野牛獾豸種類更云稠不積牙勢徒剛狠那識葭蓬有射菽

麇

本從麇屬亦名麇與麇同肥比羔羊味更饒肥甚于羊麇至那期

西陲竹枝詞

九

一獲十人人下馬覓柴燒

豹

山中狼獸莫如豹投彼凶殘構机儕若遇周官服不氏抗皮定與虎狼皆

魚

北海鱠鯉美在顛長安佳品託冰厨關西也有銀絲膾南魚極有大而肥者名大頭魚未免鄉心只憶鱸

八义蟲

神蟲競說類虺蛇毒螫人人避八义形如蜘蛛八爪口具雙歧嚼鐵有聲被傷者茜草見怪何如能不怪任他來去莫紛拏遇此蟲勿加戕害若戕其

一則紛紛踵至厄魯特人最敬之

蚊

殷雷直似到南方手不停揮道路長奚必露筋祠下過兩路蚊蠓極盛之區所在有之怒人拔劍作徬徨北南

梧桐淚

憐渠拳曲養天年梧桐見通考蓋木之不堪用者樗散甘推梁棟賢獨訝無端頻下淚夏日晒津液結為淚白者佳以燒酒冲三釐許服之治胃痛極效又治療瘧喉痛人疾病結良緣

紅柳花

自生自長野灘中吐穗鮮如百日紅花作紅穗路旁極多最喜迎人

西陲竹枝詞

開口笑却羞買俏倚東風

集吉草

霜莖堅韌鬱成叢獨立亭亭竹性同編作帽絲松湘浦先生創令製
精緻裁作箸龍鬚也共上簾櫳作簾作箸為用不一

梭梭木

化工生物亦奇哉有用還從無用來竟日瓦盆留活火燃
終日更宜閨閣慣催胎婦人難產取梭梭木握于手中胎不滅一名催生木又名札克木

雪蓮

崩崩冰崖路萬千奇葩忽覩雪中蓮花瓣淡白色多筋而微刺中叢綠蓋然余
所見乃一枝應折仙人手豈向汙泥較色鮮

乾活草

微生若寄性宜乾小草無根碎葉攢一點水星沾不得遇
即死俗呼為濕死乾活時從壁上把來看

棉花

白棉衣被利無窮裘褐稀勤紡績功販豎業非洪繅統牽
車包匭日朝東土魯番產棉花甚多但宜作布不宜作線販入關內絡繹不絕

苜蓿

欲隨青草鬪芳菲求牧偏宜野齒肥幾處嘶風聲不斷沙
原日暮馬羣歸

沙竹

西陲竹枝詞

竹箭如藤向野叢叢生似藤名依爾該無心何必解虛中那堪皮相同蘆葦適用良材在直躬

沙棗

金棗嘗新貯滿籃離離亦有赤心含蒲萄美酒雖難匹風味還憐小釀甘同人取以釀酒

石榴

移植當年說使輶葳蕤照眼玉階稠物歸中土能宜子不似西方安石榴

梨

壘砢堆盤手自擎色香與味過柑橙齒牙脆嚼無渣滓錯

認波梨是永平出沙雅爾回城者甚佳

哈密瓜

分甘曾憶校書年乾隆癸卯嘉平會蒙頒賜絲籠珍攜祗半邊今日飽餐忘內熱莫嫌納履向瓜田

蒲萄

紫漿凝處似瓊膏玉露垂涎馬乳高出土魯番瑣瑣不及馬乳之甘風味宜人畱齒頰那隨桑落釀仙醪

香菌

大青山外白營盤珍味由來重食單豈識松根精液厚肥甘莫漫佐常餐

沙葱

針細何殊草一叢摘來盈把向沙中
中不空而極細回不人呼為丕雅斯

圈車

遠行最穩是圈車
車製極寬大輪尤高薄笨垂帷體態舒日卧高軒
向廣漠居然天地一遠廬

琶離

麟麟未解聽車聲
無輪之車雪後乘之尺雪從教踏處平誰道陸舟
行不得到門恰似一船輕

鮮答

畜腹藏形或守宮非金非石亦非蟲羌髻祈禳誇神術
及厄魯特祈陰晴輒下風雨能歸掌握中
鮮答喇嘛為之尤驗

繩伎

尋橦度索巧無雙傳自花門遠部降
回人善為子子于于
多少態熟能趨捷力能扛
踏繩之伎

瀚海石

袖石攜將旱海回
瀚海一名旱海蒙古語為戈壁嶽奇影落碧雲堆
綠者為上
者多 耳邊彈指聞清越泗水何勞覓磬材

硃砂

勾漏丹砂本異胎巖冬那得燄初灰
向聞生火洞中冬月燄熄採之今詢知並

無此傳聞失實多難信莫詫龜茲火洞來即今庫車

松皮膏

茯苓幾見化松脂換骨仙膏重在皮痼疾沉痾求艾切出

里坤治婦人血虛良方特贈折肱醫

骨重羊皮

策馬常為短後裝細珠抖擻闡成章試看一片烏雲外珍

貴還皮草上霜

泥屋

邊隅雨少四時乾白屋稀逢片瓦看大雪壓廬深數尺呼

兒却掃若磐安

煤火

人氣薰蒸地氣和冬來亦作等閒過惟求灰木添爐少車

運連山石炭多

府茶

水寒端合飲熬茶大葉麤枝亦足誇茶甚麤名為府茶隨意濃煎

同普洱龍團不重雨前芽

代酒

梨花淡白入杯香十字帘前下馬嘗轟飲不妨爭拇戰豈

知清絕紹興良味薄代人所造故有此名

酥

西陲竹枝詞

濃酥到口滑如油
桐飲家家養犍牛
一飯誰知終日飽
茶香微沁黑瓷甌

阿拉占

香醪甘液泛瑤觴
美釀憑誰起杜康
馬乳為酒謂之阿拉占
淡裏藏濃風趣別
非逢嘉客莫輕嘗

皮裘

千羊皮集腋何肥
挾纊人披無縫衣
可愛黃綿冬日暖
寒侵黍谷覺春歸

毛褐

被褐名由寬博傳
毳毛織就效洋氈
價廉買得當風雪
一

幅深衣耐幾年

皮笥

學得裘工妙手柔
剪裁新笥作香牛
以熟牛皮為笥頗佳
夜寒窻靜爐烟裊
簾捲微聞麝氣浮

普兒錢

番餅曾看個個圓
西來又說普兒錢
不分肉好無輪郭
騰格流通滿市廛
每五十為一騰格

回節

天干不解地支傳
習俗何妨任自然
五十二回八雜爾
市集交易之期為八雜爾
每七日一次歲凡五十二回
把齋入則過新年
年前一月把齋望見新月

西陲竹枝詞

開齋過年
謂之入則

回字

識字先須讓阿渾

熟于經典者
稱為阿渾

清真禮拜教何尊纏頭自

有侏儻語

白帽回子俗
以纏頭呼之

可當蟲書一討論

回布

長短裁量百用宜就中巧塔爾稱奇

回布極細者
名巧塔爾

看他細

密成非易想見辛勤手織時

回樂

琴笳迭和鼓鼙索享迎神祭賽恭更有常囊長袖女

回女

歌舞謂
之常囊

解將渾脫逞姿容

市易

深目虬髯狀貌殊敏關通市集睢盱萬方玉帛通西極欲
繪成周王會圖

兵屯

細柳雲屯劍氣寒貌貅百萬勢桓桓列城碁布星羅日闔
外羣尊大將壇

南北兩路以
伊犁為總統

卡倫

刁斗聲殘夜寂寥龍沙極目雪花飄守邊一一皆飛將生
手何人敢射雕

外夷

西陲竹枝詞

率土綏寧壯遠猷天光照耀海西頭織皮久叙崑崙外

哈薩

克布魯特而外如霍罕安集服貢要荒徧小侯

延巴達克山諸部落皆內屬

